



Zmajevi na debiju Hadžibegića dočekuju Island

STR. 45.

OSLOBODENJE
PRVO IZDANJE

četvrtak, 23. mart/ožujak 2023.
godina LXXX / broj 27.255
cijena 1,5 KM/10 KN



Predstavljen novi Kia XCeed

Promjene ovog modela dodatno naglašavaju sportski, urbani i avanturistički duh XCeeda, a jedna od glavnih je novi logo marke Kia

Piše: **JASMIN TAJIĆ**

Novi Kia XCeed predstavljen je i na bh. tržištu, a jučer je održano domaće medijsko predstavljanje. Jedna od glavnih promjena je novi logo marke Kia, te nova linija opreme GT Line.

Donji dio

Promjene ovog modela dodatno naglašavaju sportski, urbani i avanturistički duh XCeeda. Osvježeni XCeed je raspoloživ u čak 12 boja, ovisno o opremi, među kojima su tri nove: Lemon Splash, Celadon Spirit Green i Yuca Steel Grey.

U unutrašnjosti kod verzije GT-Line vozača dočekuju sportski profilisana sjedišta te upravljač s ravnim donjim dijelom iza kojeg je smještena 12,3-inčna digitalna ploča s instrumentima, dok je centralni zaslon multimedije od 10,2 inča. Dio standardne opreme su i operacione platforme Android Auto i Apple CarPlay.

XCeed je sada još privlačniji model u popularnom segmentu kompaktnih crossovera. Ukupnom dužinom od 4.395 mm novi Kia XCeed je za 85 mm duži od kompaktnog Cee-



Dostupan je u čak 12 boja



Prtljažnik ima obim od 426 litara

da i 120 mm kraći od Sportagea. Njegova najveća visina krova od 1.495 mm znači i da je za 48 mm viši od Ceeda i 155 mm niži od Sportagea.

Obim prtljažnika unaprijeđenog XCeeda iznosi 426 litara (VDA), dok s oborenim zadnjim sjedištima obim naraste na čak 1.378 litara.

Unaprijeđena je i ponuda pogona pa sada XCeed dolazi s bogatim rasponom učinkovitih i elektrifikovanih pogonskih sklopova. Na raspolaganju su tri benzinska turbo motora. Najsnažniji motor u ponudi je 1,6-litarski motor T-GDI s najvećom snagom od 204 KS i okretnim



Pristupačna unutrašnjost



Impresivan izgled

momentom od 265 Nm. Novi XCeed, koji je idealan za redovno prelaženje velikih daljina, raspoloživ je i sa štedljivim dizelskim pogonskim sklopom s blagim hibridom (MHEV).

Dostupna je i plug-in verzija (PHEV) s paketom litijpolimerne baterije kapaciteta 8,9 kWh, električnim motorom sa 44,5 kW i 1,6-litrenim četverocilindrašem.

Sistem

Novi Kia XCeed uključuje bogat izbor aktivnih asistencijskih i sigurnosnih tehnologija za potpunu bezbrižnost i sigurnost. Dodatni

Najnoviji model može se kupiti po najnižoj cijeni od 45.599 KM

razvoj sustava NSCC, koji je ugrađen u XCeed, donosi funkciju Curve (NSCC-C) koja koristi navigacijske podatke za prilagođavanje na dolazeći zavoj na cesti. Sistem smanjuje brzinu vozila, ako je to potrebno za siguran ulazak u zavoj, a nakon izlaska iz zavoja vozilo se vraća na programiranu brzinu.

Posljednje vijesti

Švedski parlament jučer je službeno odobrio zakon koji će zemlji omogućiti pridruživanje NATO-u nakon što njenu prijavu ratificira svih 30 članica Saveza, prenose agencije.

Zemljotres jačine 6,5 stepeni po Richteru pogodio je jučer Argentinu. Epicentar potresa bio je sjeverozapadno od San Antonio de los Cobres. Zemljotres, zabilježen na dubini od 220 kilometara, osjetio se i u Čileu, navodi EMSC.

Evropska centralna banka još nije završila s podizanjem kamatnih stopa u eurozoni, naglasio je čelnik Njemačke centralne banke Joachim Nagel, dodavši i da se približavaju nivou koji će kočiti privrednu aktivnost, prenose agencije.



Ispali svi bh. igrači

Na teniskom ATP Challengeru u Zadru (73 hiljade eura) učestvovala su četiri bosanskohercegovačka teniseri, ali već jučer nije više bilo niti jednog u žrijebu.

Damir Džumhur je nakon velike borbe poražen od petog nosioca Italijana Flavija Cobollija 6:2, 2:6, 5:7 u meču 2. kola. U 1. kolu su zaustavljeni Mirza Bašić (izgubio od Hrvata Dine Prizmića 1:6, 3:6) i Nerman Fatić (Sebastian Ofner 6:7, 6:2, 2:6), dok je Aldina Šetkića u kvalifikacijama eliminisao Italijan Giulio Zeppieri 0:6, 6:7.



Herdželaš u osmini finala

Najbolja bosanskohercegovačka teniserka Dea Herdželaš (348 - WTA) plasirala se u osminu finala W25 turnira u Jakarti (Indonezija). Dea je pobijedila domaću teniserku Peangtarn Plipuech (WTA - 314) sa 2:0. Po setovima je bilo 7:5 i 7:6 za našu teniserku. Dea danas igra protiv Kineskinje Zhuoxuan Bai (301 - WTA). J. T.

Sutra u Oslobodjenju prilog

antena